

Tí xroon saoxín ikjin ch'ín Pablo chr'énhen ch'án tí ch'ín Timoteo

Ch'ín Pablo nixjehe ch'án tí ch'ín Timoteo

¹ Janhan Pablo kjueyána Jesucristo la ko Dios mé tsík'etuanna mé jehe ch'án mé tí nkexro nchekaá chojni. La ko kjaxin k'uetuanna Ìnchéni Jesucristo tí nkexro tjejóchónhenni itsi.

² Ikjian tí xroon chr'anhan jaha Timoteo. T'íkuan éxí xjanna tí jaha kixin jaha tinkachónkia Cristo Jesús. Kjuasáyé It'éni Dios la ko Ìnchéni Jesucristo chrókjuintayavan ch'án la ko chrókuikonóaha ch'án kixin kjuaxróxin tsjak'e jaha.

Chrókjuinchexráxinkaon ch'án sín kixin chrókuitekakuenhya sín tí nkehe chaxínhya

³ Éxí xrjannóaha tió sákjuia estado Macedonia la mé jaha chrókuitoaha tí chjasin Éfeso la ntaha chrókuétuénhén iso tí sín ntiha kixin chrókjuakohya sín tí nkehe ntoáhya.

⁴ La ko chrókuétuénhén sín kixin chrókuahya sín kuenté tí cuento tsíchronka chojni tí ósé a. Tí tinhin sín tíha la imá tjachaxin kichó sín la ó chónkó tíha. Kaín tíha la í tsjinkitsahya kixin sinchexiteyéhéni Dios kixin tinkáchónkini ch'án.

⁵ Tí nkehe tjinkaonni la chrótjuèheni kichó ni kaín ni kixin ó kótjóá asénni la ko ó noheni kixin

jína tjenkayáxinni la ko kaín asénni tinkáchónkini Cristo.

⁶ Iso sín la kjuíchròe sín kíxin itjo tí nkehe chónkó.

⁷ Tjinkaon sín chrók'óna sín maestro chrókjuako sín tí ley a ntá jehe sín tienxínhya sín tí nkehe tjako sín kjánchó ntáchro sín kíxin ó ntoá tí nkehe tjako sín, ntá chaxínhya.

⁸ A ntá jeheni la ó noheni kíxin tí ley la jína tí chrokjuakoni éxí tjinkaon Dios.

⁹ Ó noheni kíxin tí sín tjasinhya jie t'ichjánxienhya sín tí ley tsík'etoan Moisés. Tíhi la t'ichjánxinhin tí sín titekakonhya la ko tí sín jiehe la ko tí sín jínahya tjasin jie la ko tí sín chóntahya kjuasáyé Dios la ko tí sín t'óyán it'é la ko ìné sín la ko kaín tí sín tjàya.

¹⁰ La ko tí sín tjasinko jie ijnko chojni chjin ókjé la ko tí sín jnkokón ntoa sín takja kichó sín la ko tí sín teé chojni ntá nchekji, la ko tí sín ch'ia la ko tí sín nchenohe Dios ntá chaxínhya. Mé tí ley mé chrókuinhin kaín tí sín ch'e tí nkehe jínahya la nínkakonhen tí nkehe jína tjakoni.

¹¹ Tí nkehe tjakoni mé chaxín tí tan jína sinchekaá chojni la tí Dios tjetoan mé k'uetuanna kíxin tsjàkua tíha.

Ch'ín Pablo kjuanchehe ch'án kjuasáyé Dios

¹² Tjáncháha kjuasáyé Ìnchéni Jesucristo kíxin imá kjuínkítsana ch'án la ko k'uikón ch'án kíxin jína sít'aha ch'án xra ntá chjìna ch'án tí xra i.

¹³ Mé xíkaha kjueyána ch'án kjónté senó imá k'uék'ántaxínhan tí sín tinkáchónki ch'án la ko k'uéchonkíha sín la ko chrók'oyán sín. Kjónté la Dios imá kuikonóehé ch'án tí janhan kíxin ó nohe ch'án

kíxin k'uékinkachónkihya janhan tí jehe ch'án la ko k'uénonahya nkehe tí xr̄a k'uékjit'a.

14 Méxr̄a Inchéni antsí má kjuíncheyaonna kíxin ntá kjuanjon ch'án kjuachaxin kíxin tsinkachónkia ch'án la ko tsotjuah̄a ch'án. Mé xikaha kaín ni chóntani tí kjuachaxin tinkáchónkini Cristo Jesús.

15 Tíhi mé chaxín la kaín ni chrókuitekaonni. Ikui Jesucristo chjasintajni kíxin sinchekaá ch'án tí sín kjuasin jie. Ntá janhan mé antsí má kjuásian jie.

16 Kjonté xikaha kjuít'a la Dios antsí má kuikonóana ch'án tí janhan kíxin xikaha kjuakoxin Jesucristo kíxin kónínkakonhya ch'án. Mé xikaha tsjákuaxian kaín nkexro tsitekaon tí jehe ch'án kíxin tsochónta sín kjuachón jnkochrín.

17 Ntá jnkochrín tsochónteheni kjuasáyé tí Rey t'et̄oan. Jehe ch'án mé ijnko nkexro xr̄axín tjen la mé ijnko nkexro chónhya ts'en la xitjahya ts'ikonna ch'án. Jehó ch'án mé Dios la imá nohe ch'án. Amén.

18 Timoteo, éxí xjanna t'íkuan tí jaha, la kaín tí xr̄a i tjaha kíxin tsjanjonkoa tí jínahya la tsjacha kíxin tinkachónkia jína Inchéni la ko tjenkayáxian tí nkehe jína. Mé xikaha sinchexiteyá tí nkehe kuínhín senó kíxin tí sín kíchó ni chrónkaxín ihnié Dios.

19 Í so sín la kjuenkayáxinhya sín tí jína ntá kjuíchròe sín kuítóhe sín tí nkehe tinkáchónki sín.

20 Mé xikaha kónhen ch'ín Himeneo la ko ch'ín Alejandro. Janhan kjuánjuan kjuachaxin kíxin ch'ín Tsochren mé sinchekjasóte sín kíxin mé xikaha ts'itja sín kíxin í ts'ántaxienhya sín Dios.

Nkexrí chrónixjeheni Dios

¹ A ntá saoxín la xrjanóaha kixin kaín chojni chrónixjehē sín Dios la chrókjuanchehe sín kjuasáyé ch'án kixin chrókjuinkĩtsa ch'án kaín xín chojni.

² Chrókjuanchia sín kixin Dios imá chrókjuinkĩtsa ch'án kaín tí sín t'etōan la ko tí sín gobierno kixin ntá kjuaxróxin ts'ejóni la ko sinchexiteyéhēni Dios la ko ntoá ts'ejóni.

³ Xikaha mé imá jína la tóxrjínhīn Dios, mé tí nkexro tsaáxinni.

⁴ Jehe ch'án mé imá tjinkaon ch'án kixin tsaá kaín xín chojni la ko tjinkaon ch'án kixin tsonohē chojni tí nkehe chaxín ntoá.

⁵ Mé itjen jnkokoáxón Dios la ko itjen jnkokoáxón nkexro nixjayákonhēni kixin tsochóxinni Dios. Tíha mé Jesucristo mé k'óna chojni ikui ch'án chjasintajni.

⁶ Jehe Jesucristo mé k'uenyákonhēni kaín xínni, kjuenkayákonhēn ch'án ijjiéni kixin tsaáxinni ch'án. Táha mé xiteyá tí tsintáchro Dios ósé kixin xikaha tsonhēn ch'án.

⁷ Méxra tí xra mé kjueyána Dios kixin tsjíkjákoḥa tí sín jehya judío kixin tsinkáchónki sín Jesucristo la ko tsonohē sín tí nkehe chaxín. Janhan mé tinkachónkia Cristo la xrjanka tí nkehe chaxín mé t'ayahya.

⁸ Méxra tjínkavan kixin kaín tí sín ntoa mé chrónixjehē sín Dios la chrókjuaya sín tja sín la chrókótjóá asén sín la ko chrókónínkakonhya sín la ko chrókjuehya sín kjuanínkaon.

⁹ A ntá tí chojni chjin mé ntoá chrók'uitsa sín ka la chrókjuinchehnkehya sín la ko chrókjuasin

chóntahya sín kax̄ih̄i sín nkehe tjete x̄ox̄rj̄o náx̄rj̄ón la ko chrók'uitsahya sín ika imá tjete.

¹⁰ Íchá jína k̄ix̄in tí chojni chjin chrókjuich'e sín tí x̄r̄a jína éx̄i chrókjuich'e kaín tí sín tsíkjinchetj̄oá Dios.

¹¹ Tí chojni chjin t'ichj̄ánx̄in chrókuinhin sín itén Dios la chrónixjahya sín la ko chrók'uet̄oanhya sín.

¹² A ntá janhan tjánjonhya kjuachaxin k̄ix̄in chojni chjin chrókjuako tí nchónhya chojni síin la ko tjánjonhya kjuachaxin chrók'uet̄uēnhen sín chojni ntoa. Jehé sín la tání sín chrók'uej̄ó sín

¹³ k̄ix̄in saox̄in la Dios kjuích'éna ch'án tí ch'ín Adán la ntá chr'éx̄in kjuích'éna ch'án tjan Eva.

¹⁴ A ntá ch'ín Adán la ninkexró kjuích'iyehya ch'án. Náhi. Tí tjachjin mé tsíkitekakonhen tjan tí nkexro tsíkjich'iyehé tjan ntá x̄ikaha xrankix̄ix̄in k'uixin j̄ie.

¹⁵ A ntá tí chojni chjin la kjónté x̄ikaha kjuích'e sín la Dios sinchekaá sín tí jína ts'ayakonhen sín xjeen sín la tí chax̄in tinkáchónki sín Dios la ko tjuèhe sín ch'án la ko ntoá ts'ej̄ó sín la ko jína tsjenkayáxin sín.

3

Jína chrók'uej̄ó tí sín t'et̄uēnhen tí n̄inko

¹ Ijnko nkehe chax̄in t̄jonka. Tí nkexro tjinkaon sich'e x̄r̄a kuènte n̄inko mé imá jína x̄r̄a tjinkaon ch'án.

² Tí ch'ín chrók'uet̄oan mé ntoá chrókjuak'e ch'án k̄ix̄in kohya nkexro chrók'ueka ch'án j̄ie la ko kjaxin chróchón̄ta ch'án jnkokoá ichjién ch'án ó la ko kjaxin chrókjuak'e ch'án jína la ko

chrókjuenkayáxin ch'án jína la ko chróchón̄ta ch'án kjuasáyé ch'án la ko kjaxin jína chrónixjeh̄e ch'án tí nkexro tjiji nt̄oe la ko kjaxin chrókónohe ch'án tí nkehe chrókjuako ch'án.

³ La ko kjaxin chrókókoanhya ch'án la ko chrókjuehya ch'án kjuanínkaon la ko kjaxin chrókóxrjienhya ch'án kixin chrókjuacha ch'án nchónhya chichaon. A ntá chrókójieh̄ya ch'án la ko kjuaxróxin chrókjuak'e ch'án la ko chrókóxrjienhya ch'án chróchón̄ta ch'án itsjé chichaon.

⁴ Jeh̄e ch'án mé kjaxin jína chrók'uet̄uenhen ch'án tí sín tjejó nt̄oe ch'án la ko chrókjuentuéhe ch'án xjeen ch'án kixin tsitekaon xjan la tsjikosáyehe xjan it'é xjan.

⁵ Tí tsjachahya ch'án ts'et̄uenhen ch'án tí sín tjejó nt̄oe ch'án la çntá nkexrí chrók'uet̄oan ch'án tí n̄nko kuènte Dios?

⁶ Íchá jína kixin jehya ijnko nkexro na ntá k'uixenhen chrókjuako kixin tí nkexro na ntá k'uixenhen la imá chrókjuinchehnke ch'án la ntá chrókjuasin ch'án jie éxí kjuasin ch'ín Tsochren ijie senó.

⁷ Kjaxin t'ichjánxin kixin kaín xín tí sín naxa tinkáchónkihya Inchéni mé tsochón̄ta sín kjuasáyé tí ch'ín t'et̄oan a. Tí náhí la ts'eka sín ch'án jie ntá tí xikaha la ch'ín Tsochren tsjacha tsjachròe tí ch'ín a ntá tsjasin ch'án jie.

Nkexrí chrók'uejó tí sín tsjink̄itsa tí xra kuènte n̄nko

⁸ Kjaxin tí sín diácono ch'e xra kuènte n̄nko la kjaxin ntoá chrók'uejó sín kixin chróchón̄tehe sín kjuasáyé chojni. Kjaxin t'ichjánxin kixin

chrókjuinchexiteyá sín tí nkehe ntáchro sín la ko chrókókoanhya sín la ko kjaxin chróchóntiäxinhya sín itsjé chichaon chrókjuacha sín.

⁹ T'ichjánxìn chrókónohe sín jína tí nkehe tinkáchónki sín kixin jehe sín chrórxaxinkaon sín á nchoxon tí xra ch'e sín.

¹⁰ Səoxín chrótsjehe kaín chojni á ninkehó jie chóntahya tí nkexro la ntá tí chaxín jína jehe ch'án la ninkehó jie chóntahya ch'án ntá jína ts'ixenhen ch'án tí xra kuènte ninko.

¹¹ La ko kjaxin tí chojni chjin mé chrók'uejó sín jína kixin chróchóna sín kjuasáyé sín. Kjaxin chrókuinkáchónkihya sín kjuach'ia la ko jína chrók'uejó sín la ko chrókjuinchexiteyá sín kaín nkehe.

¹² Tí sín diácono la mé chróchóna sín jnkokoá ichjién sín la jína chrók'uetuēnhen sín xjeēn sín la ko jína chrók'uetəan sín ntəe sín.

¹³ T'ichjánxìn ijnko xra jína sich'e sín kixin ntá tsjacha sín ts'áyéhe sín ijnko nkehe jína tsjanjon ìnchéni la ko kjaxin tsosuehəya sín tsochrónka sín nkexrí tinkáchónki sín Cristo Jesús.

Dios mé kjuínchenoheni tí nkehe k'uékiexínhyani

¹⁴ Tjínkavan tjoka chrókjuasántsjahə tí jaha kjánchó senó tsokjian tí xroon i.

¹⁵ A ntá tí tsəxrjenna isé ntá kjónté tsonoha nkexrí chrók'uejó tí sín naxə kjéhya Dios mé tí sín t'óna ninkəe Dios tjechón. Jeheni kaín ni mé tjejó't'ayakonhenni tí tan chaxín ntoá.

¹⁶ Ninkexró chróntáchrohya kixin chaxínhya tí nkehe tinkáchónkini mé ijnko nkehe imá jie tíha la ninkexró k'uénoehya tí senó a.

Dios mé ikui k'óna chojni;
 ikui ch'án kjuakoxin ch'án kjuachaxiën Nchakuen
 Dios chóna ch'án kixin jína tí jehe ch'án.
 La ntá tí sín ángel mé k'uikon sín ch'án
 la kuenté chjasintajni mé ó kuínhin sín nkehe
 chrónka ch'án
 ntá itsjé sín kuítekaon sín ch'án.
 Ntá Dios k'uáyéhe tí jehe ch'án nkaya nkajní.

4

Tí sín kuítóhe tinkáchónkihya Cristo

¹ **A** ntá ntáchro Nchakuen Dios kixin tí chjina tsjeje chjasintajni mé iso sín mé tsítóhe sín í tsinkáchónkihya sín Inchéni la ntá tsitekaon sín nchakuen tí jínahya sich'iyehé sín la ko tsitekaon sín tí nkehe tjako tí sín demonio.

² Mé tsinhin sín tí nkehe tjako tí chojni tjuáhya la ch'ia sín. Kjónté imá tsjasin sín jie la í tsosuèhya sín kixin éxí tsíchján tí tjenkayáxixín sín la í tjenkayáxinhya sín jína.

³ Jehe sín mé tjinkakonhya sín kixin chrókótehe chojni la ko kjaxin tjinkakonhya sín kixin chrókjóneni nto. **A** ntá jeheni ó noheni kixin Dios mé kjuích'éna ch'án kaín xín nkehe ineni la tjinkaon ch'án kixin tí jeheni tinkáchónkini ch'án la ó noheni tí tan chaxín ntoá mé chrókjuancheheni ch'án kjuasáya ntá chrókjóneni.

⁴ Méxra kaín xín tí nkehe kjuích'éna Dios la jína la kohya nkehe chróntáchroni kixin jehya jína sineni. Chrókjuancheheni Dios kjuasáya la ntá jína chrókjóneni

⁵ Kíxin tió tsoxraxinkaonni itén Dios la tsonixjeheni ch'án la ntá sincheyaon ch'án tí nkehe sineni.

Ijnko chojni jína ch'ehe xra Jesucristo

⁶ Jaha tjákehé tí sín kichó ni kaín tí nkehe i la ntá xikaha imá jína sich'ehé xra Jesucristo la ko antsí tsjinkitsa ch'án ts'ánkí kjuaxrexinkaon kuéntá tí tinkáchónkia tí tan kuénté ch'án la ko naxa tjákua tí nkehe jína ó xrákoha.

⁷ Jaha mé tahya kuenté tí cuento chónkó la ko tí nkehe ntoáhya tinkáchónki iso sín. A ntá jaha la chrókuitoéhya chrókuinkáchónkia Dios.

⁸ Tí chojni tsítán la jína tíha kjánchó antsí má tjetoan chróxraxinkaonni Dios. Tíha la tsjinkitsa kíxin jína xritjejóni ijie la ko kjaxin tsjinkitsa kíxin ts'áyeheni kjuachón jnkochrín tió tsokjan Ìnchéni.

⁹ Kaín tíhi mé chaxín la kaín chojni chrókuitekaon.

¹⁰ Mé xikaha kjónté t'ántaxínhinni chojni la jína ch'eni tí xra i kíxin tinkáchónkini Dios tjechón. Jehe ch'án chaxín sinchekaá ch'án kaín tí chojni titekaon tí jehe ch'án.

¹¹ Kaín tíha mé t'ichjánxin tsétoan la ko tsjàkua.

¹² Jaha chrókuitoéhya kíxin chrokuanoá sín kjónté naxa ntasoyá. Chrókuákoexián tí sín tinkáchónki Ìnchéni nkexrí chrónixja sín la ko nkexrí ntoá chrók'uejó sín la ko nkexrí chrótuèhe sín Dios la ko nkexrí chrókuitekaon sín Ìnchéni la ko nkexrí tjóá chrók'uejó sín.

¹³ Nachrohe tsjasán la jaha sinchekuáxian tí xroon itén Dios kíxin tsinhin kaín sín la ko

s̄inchexraxinkávan kaín tí s̄ín kíchó ni la ko tjákohe s̄ín.

¹⁴ S̄inçek'itjáyanhya tí kjuachaxién Dios k'uayéhé tió tí s̄ín t'et̄oan kuènte n̄inko kjuachaxién Dios k'uejotja tja s̄ín chrítaón ikjá.

¹⁵ Chrókóxakonhan chrókjuinchexiteyá kaín tíha kíxin kaín chojni tsotsjehe s̄ín kíxin jína noha.

¹⁶ Chrókjuenkayáxian jína tí nkehe tjákua kíxin jína chrókjuak'e jaha, chrókjuinchexiteyá kaín nkehe la ntá tí x̄ikaha s̄ich'e la tsaá jaha la ko tí s̄ín tjejótinhin tjákua la tsaá s̄ín kjaxin s̄ín.

5

Jína chrók'uéjó tí s̄ín tinkáchónki Cristo

¹ Jaha la chrókóninkákuenhya tí s̄ín ó táda. Náhi íchá jína chrónixjehé s̄ín jnkójina éxi chrónixjehé it'á. La kjaxin tí s̄ín ntasoá chrónixjehé s̄ín éxi chrónixjehé kichuá mero.

² A ntá tí s̄ín ó nána la mé chrónixjehé s̄ín éxi chrónixjehé iná x̄ikaha. Kjaxin tí s̄ín tjarisoá mé jnkójina chrónixjehé s̄ín éxi chrónixjehé kichuá mero la kjaxin chróchóntehé s̄ín kjuasáya.

³ La ko kjaxin chrókjuinkitsa tí síchjin tsíkók'án la ko nchekit̄onhén s̄ín nkehe sine s̄ín tí chaxín kohya nkexro tsjinkitsa s̄ín.

⁴ A ntá tí chojni chjin tsíkók'án chóna xjeen o chóna ìnté, a ntá tí jehe s̄ín mé chrók'uitja s̄ín chrókjuinkitsa s̄ín kíxin sine tí s̄ín kjéhya s̄ín. Tíha mé chrókjuenkaxin s̄ín tí it'é, ìné s̄ín kíxin kjuínçek'ánkí s̄ín, kíxin x̄ikaha mé jína tóxrjínhin Dios.

⁵ Tí tjan chaxín tsíkók'án na jehó tjan tjen tjan mé jehó Dios tinkáchónki tjan la imá chrónóehē tjan Dios tie la ko nchakotjin.

⁶ A ntá tí sín tsíkók'án ixri sín tjasin sín jiē la kjónté tjejóchón sín la éxí tsík'en sín xikaha tjejó sín.

⁷ Tétuēnhén tí sín kixin sinchexiteyá sín kaín tíha kixin tsokohya nkexro tsjanchia jiē.

⁸ A ntá tí nkexro tóxakuenhya kixin tí sín naxa kjéhya la ko kjaxin tóxakuenhya kixin tí sín tjejó ntoe ch'án mé xikahó tjakoxin kixin ninkehó tinkáchónkihya ch'án Dios. Mé xikaha antsí chóna ch'án jiē a ntá tí sín tinkáchónkihya Ìnchéni la kénhyó.

⁹ Tí ts'ínixín ihnié tí sín tsíkók'án la chrók'uínixín jehó tí sín chóna sesenta nánó la ko tí sín k'uéchóna sín jnkokoá xì.

¹⁰ Kjaxin chrókjuakoxin tjan kixin jína ch'e tjan xra la ko chrókjuakoxin tjan kixin jína kjuínchek'ánkí xjeen tjan la ko kjaxin jína nixjehe tjan tí nkexro tjiji ntoe tjan la ko kjaxin k'uáyakonhen tjan tí sín tinkáchónki Cristo la nchehnkehya tjan la ko kjaxin kjuínkítsa tjan tí sín níhi la ko í so xra jína kjuích'e tjan.

¹¹ A ntá chrók'uénixínhya ihnié tí sín tsíkók'án naxa tsjéhya nánó chóna kixin tsontáchro asén sín kixin í jnko chojni ntoa tsotehe sín inaá la ntá tsítóhe sín ixra kuènte Cristo.

¹² Ntá xikaha tsjasin sín jiē kixin sinchexiteyáhya sín tí nkehe tsintáchro sín.

¹³ Kjaxin sátsji sín ijnko nchia la í jnko nchia la ntá tsoséhe sín la ntá kjaxin xriko sín kjuach'ia la ko ch'éna sín kjuach'ia la kaín nkehe nixja sín la jehya jína tí xikaha chrónixja sín.

14 Méxra tí sín tsíkók'án naxa tjarisoá sín la íchá jína chrókótehe sín chróchónta sín xjeen sín la ko chrók'uàyakonhen sín ntøe sín. A ntá tí xikaha la tí sín nínkakonhan la chrókjontahya sín tí jaha.

15 A ntá iso tí sín tsíkók'án ó kuítóhe sín tinkáchónki sín Ìnchéni kixin ch'ín Tsochren tsíkjachrøe sín.

16 A ntá jnkojín chojni tinkáchónki Cristo ts'ikon sín kixin tsíkók'án tí síchjin kjéhya sín ntá t'ichjánxin tsjinkítsa sín kixin sine tí sín a kixin tsochóntiahya sín tí nínko tsjinkítsa. Méxra jehó tí sín chaxín tsíkók'án chóntahya ninkexró tsjinkítsa mé chrókuinkítsa tí nínko.

17 Tí nkexro jína t'etøan xra kuènte nínko la jehe sín chrókuacha sín la ko kjaxin antsí chrókuikosáyehhe chojni tí sín chaxín xra ó tjejóchronkaxín sín la ko tjako sín.

18 Kixin xroon itén Dios mé ntáchro kixin: “Chrók'uéjáyahyará kampoxa ir'va tí koxinta tjejóch'e xra”, la ko kjaxin ntáchro kixin: “Tí sín ch'e xra la síin kjuachaxin chrókuacha sín.”*

19 Chrókuahya kuenté jnkojín nkexro tsjikao kjuach'ia t'eka jie tí nkexro t'etøan xra kuènte nínko. T'ichjánxin tsonoxín yaá ø iy'á sín tsochrónka kixin chaxín chóna jie tí nkexro a.

20 Chrókuéntuéhé tí sín tjasin jie nkayakon kaín sín kixin ntá tsinhin tí í so sín kixin tsochrakon sín, í tsjasinhya sín jie.

21 Tétuanxian kjuachaxién Dios la ko Ìnchéni Jesucristo la ko tí sín ángel kjueyá ch'án kixin jnkokón

* 5:18 Deuteronomio 25.4, Mateo 10.10; Lucas 10.7

tsjéntuéhé kaín chojni la ko jnkokón tétuénhén sín kaín tí nkehe xrjanka.

²² Chrókjuéyáhya chjini jnkójín sín kixin ts'etōan sín xrā kuènté nīnko kixin tí chróchónta sín jīe la kjaxin jaha chrókuamá tí jīe. A ntá jaha chrókuítōhé kaín nkehe jínahya.

²³ Jaha la jnkoyaxón tóníha tjtóté tsaa. Jehya ìntā ó chrók'uia. Kjaxin intsí xranvino chrók'uia ntá chrókuítōaxián jína.

²⁴ Tí ijíe jnkójín chojni la t'ikonni noxín tí naxa kuítōexínhya ijíe sín. A ntá í so sín nóxinhya tjasin sín jīe kjánchó tíó tsjixixín la tsonoxín tí jīe tjasin sín.

²⁵ Mé xīkaha kjaxin ó t'ikonni kixin iso chojni imá ch'e sín tí xrā jína. A ntá í so sín kjónté t'ikonhyani la xitjahya tsjak'emá sín tí nkehe jína ch'e sín.

6

¹ Tí sín ch'exín xrā mé t'ichjánxīn tsochóntehe sín kjuasáya tí lamo kuènte sín, kixin ntá tí í so sín la ts'ántaxiéhya sín ihníe Dios la ko ts'ántaxiéhya sín tí nkehe tjakoni.

² A ntá tí sín ch'exín xrā la chóna sín lámóe sín tinkáchónki Cristo la mé chrókuítōehya sín tsjikosáyehe sín tí lamo kixin jnkokoá kichó sín. La mé antsí jína chrókjuinkītsa sín kixin ó nohe sín kixin tjinkītsa sín ijnko nkexro tinkáchónki Cristo la chrótjuèhe sín kichó sín. Jaha mé tjákohé sín kaín tíha.

Tí nkehe tinkáchónkini tsqchèxinni

³ Iso sín tjako tí nkehe jehó sín tjenkayáxin sín la tóyóehya tí nkehe jína kjuako Ìnchéni Jesucristo la ko jehya tí nkehe tinkáchónkini.

⁴ Ó jehí nchehnke sín la nínkehó noehya sín. Tí ntoáhya nixja sín la tíha mé éxí ijnko chin chóna sín la tíha mé t̄ix̄in tí kjuachjinoxínhin la ko tjanjonko kíchó sín la ko t'ántaxínhin sín kíchó sín la ko chóntehya sín kíchó sín kjuasáya.

⁵ Mé tí sín la náxrjónhya tjenkayáxin sín la jnkochrín tjanjonko kíchó sín la noehya sín tí nkehe chaxín. Mé tjenkayáxin sín kixin tinkáchónki sín Ìnchéni kixin x̄ikaha chrókjuacha sín nchónhya chichaon, ichro sín. Jaha la chrókuitohé tí sín x̄ikaha ch'e.

⁶ Tí tinkáchónkini Ìnchéni la ijnko nkehe imá tjetoon la ko tjete tíha a ntá kjuaxróxin chrók'uejóni kjónté tí nkehe chóntani ó.

⁷ A ntá tí kokj̄ihini la ninkehó kuikohyani tí kuini chjasintajni la k̄axin tió ts'enni la ninkehó nkehe xitjahya sátsj̄ikoni.

⁸ A ntá tí chóntani nkehe sineni la ko chóntani ikéni la kjónté táhó la chrókóchéheni.

⁹ A ntá tí sín tjinkaon sín imá chrókóríko sín mé tí sín a mé tsjichròe sín la l̄ont̄i sín kixin x̄ikaha tjenkayáxin sín, la mé ts'itj̄ayanxín sín tíha.

¹⁰ Tí imá tjuèheni chichaon la tíha mé nuèé kaín nkehe jínahya. Jnkójín chojni imá tjinkaon sín tsochóna sín chichaon ntá tsjichròe sín tsítóhe sín tsinkáchónki Ìnchéni la tíha mé imá sinchek-jasótexín sín āsén sín.

Jína tí nkehe tinkáchónkini

11 Jaha mé tinkachónké Dios la t̄itohé kaín tí nkehe i. Chrókjuak'e ntoá la ko kaín asán chróxráxinkávan Dios la ko chrókuinkachónkia ch'án la ko chrótjuéhé kíchua la ko chrókónínkákonhya tjoka la ko chrókjuinchehnkehya asán.

12 Tjanjonkoa kaín nkehe jehya tí jína la ko kaín asán tinkachónkia Ìnchéni kixin ntá chrókjuacha chrók'uayéhé tí kjuachón jnkochrín kixin mé xikaha k'uíyaha Dios tí jaha. Jaha la ó tsíchronka kixin tinkachónkia Ìnchéni la ó kuínhin la ko k'uikon nchónhya chojni.

13 Nkayakon Dios, tí nkexro chjéhe kjuachón kaín xín tí nkehe síchón, la ko Jesucristo, tí nkexro tsíchronka jína nkayakon ch'ín Poncio Pilato, mé tétuanhan

14 kixin s̄inchexiteyá kaín tí nkehe t'et̄oan Dios kixin í chrókjuínkíhya tí nkehe chrókuinkachónkia la ntá tsokohya ninkexró ts'eka j̄ie tió tsjixrakájia tí yaon tsokjan Ìnchéni Jesucristo.

15 Tsjixraká tí yaon kjueyá Dios ntá jehe ch'án mé tsjanjon ch'án kjuachaxin kixin itsi Jesucristo. Dios la jehó ch'án mé chóna ch'án kjuachaxin ts'et̄oan ch'án. Jehe ch'án mé tí Rey t'et̄uēhen kaín xín tí sín rey la ko jehe ch'án mé Ìnché kaín chojni.

16 Jehó Dios mé chónhya ts'en la tí t̄jen ch'án la imá t'inkaséyan la ko kohya nínkexró tsjacha tsochjina tí t̄jen ch'án. Nínkexró k'uíkonhya tí jehe ch'án la ko ninkexró xitjahya ts'ikon tí jehe ch'án. Tsjikosáyeheni ch'án kixin jehe ch'án chóna ch'án kjuachaxin ts'et̄oan jnkochrín. Amén.

17 Tí sín chóna itsjé nkehe chjasintajni mé

tétuēnhén sín ḱixin sinchehnkehya sín la ko
 tetuēnhén sín ḱixin tsochóntiaxinhya sín tí nkehe
 chón̄ta sín ḱixin jnkochŕixínhya tsochón̄ta sín tíha.
 Íchá j́ina chrókuinkáchónki sín Dios tjechón ḱixin
 jehe ch'án tjanjon ch'án kaín xín nkehe ḱixin mé
 xíkaha tjinkaon ch'án tsochéheni.

¹⁸ Tétuēnhén sín ḱixin chrókjuich'e sín tí nkehe
 j́ina ḱixin tí chaxín chrókóríko sín la chrókjuinkitsa
 sín ḱichó sín la chrók'óxikayehe sín tí nkehe chón̄ta
 sín.

¹⁹ Mé xíkaha chrókjuacha sín tí nkehe tjete ḱixin
 chr'éxin la j́ina chrók'uejó sín ḱixin chrókjuacha
 chróchón̄ta sín tí kjuachón jnkochŕixín.

Kjuixixín k'úituenhen ch'ín Timoteo

²⁰ Jaha Timoteo t'ayakonhén tí xra la tiénhya tí
 nkehe ntoáhya nixja chojni. Ntáchro sín ḱixin imá
 nohe sín kjánchó chaxínhya tíha.

²¹ Iso sín ó xíkaha ntáchro sín ḱixin imá nohe
 sín la ntá kjuíchròe sín í tinkáchónkihya sin Ìnchéni.
 Dios chrókjuintayavan tí jaha. Amén. Ó tjen.

**Tí Nuevo Testamento cuènte Inchéni
Jesucristo C'óna Nquìva
New Testament in Popoloca, San Juan Atzingo**

copyright © 1982 Wycliffe Bible Translators, Inc.

Language: Popoloca, San Juan Atzingo

Translation by: Wycliffe Bible Translators, Inc.

Popoloca, San Juan Atzingo [poe], Mexico

Copyright Information

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoloca, San Juan Atzingo

© 1982, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

b9b09122-b3f6-59f0-9594-749907b32b5b